



BASHKIA DIVJAKË NË PARTNERITET ME PROGRAMIN ReLOaD3 SHPALL:

THIRRJEN E PARË PUBLIKE PËR ORGANIZATAT E SHOQËRISË CIVILE PËR DORËZIMIN E PROJEKT PROPOZIMEVE NË PROGRAMIN RAJONAL PËR DEMOKRACINË VENDORE NË BALLKANIN PERËNDIMOR 3 (ReLOaD3)

Programi Rajonal për Demokracinë Vendore në Ballkanin Perëndimor 3 (ReLOaD3) është një iniciativë e financuar nga Bashkimi Evropian (BE) dhe e zbatuar nga Programi për Zhvillim i Kombeve të Bashkuara (PNUD). Ky program është vazhdim i nismës së mbështetur më parë - ReLOaD1 dhe ReLOaD2 të zbatuar në periudhën tetë vjeçare 2017-2024¹. Faza e tretë e programit ka filluar më 1 Shkurt 2025 dhe gjatë katër viteve të ardhshme do të zbatohet në: Bosnje-Hercegovina, Kosovë*, Malin e Zi, Maqedoninë e Veriut, Serbi dhe Shqipëri.

Ky program, me një buxhet 13.39 milionë USD financohet nga Bashkimi Evropian nëpërmjet Instrumentit për Asistencën e Para-Aderimit III (IPA III) dhe bashkë-financohet nga njësitë e qeverisjes vendore (Bashkitë) dhe PNUD. Buxheti i miratuar për ndërhyrjen në Shqipëri është 1.45 milionë USD. Projekti zgjat 48 muaj (1 Shkurt 2025 – 31 Janar 2029). Qëllimi i përgjithshëm i programit është forcimi i demokracive pjesëmarrëse dhe i procesit të integritetit në BE në Ballkanin Perëndimor, duke kontribuar në zhvillimin e qëndrueshëm të përsheptuar të rajonit. ReLOaD3 synon fuqizimin e shoqërisë civile për t'u angazhuar në mënyrë aktive në vendimmarrje dhe mbikëqyrjen qytetare, ndërsa nxit qeveritë të krijojnë një mjedis mbështetës politik, ligjor dhe financiar për shoqërinë civile.

Objektivi specifik i Programit është të forcojë bashkëpunimin midis qeverisjes vendore dhe organizatave të shoqërisë civile në Ballkanin Perëndimor duke kontribuar në krijimin e një mjedisi më të favorshëm për OSHC-të, të mbështetur nga financimi publik transparent, një kuadër ligjor mbështetës dhe nga rritja e angazhimit qytetar në hartimin, zbatimin dhe monitorimin e politikave. Duke qenë në fazën përfundimtare, ReLOaD3 synon të kapitalizojë dhe të zgjerojë rezultatet, si dhe të sigurojë qëndrueshmërinë e praktikave të mira të prezantuara gjatë zbatimit të tij. Programi ReLOaD3 do të forcojë kapacitetet e qeverisjes vendore dhe të OSHC-ve për t'u angazhuar në partneritete produktive dhe për të kontribuar në angazhimin qytetar, përmirësimin e planifikimit vendor dhe ofrimin e shërbimeve.

¹Për më shumë informacion rreth ReLOaD 1, ju lutem referojuni linkut

<https://www.undp.org/albania/projects/regional-programme-local-democracy-western-balkans-reload>

Për më shumë informacion mbi ReLOaD2, ju lutemi referojuni linkut

<https://www.undp.org/albania/projects/regional-programme-local-democracy-western-balkans-2-reload2>

* Për Bashkimin Evropian, ky përcaktim është pa paragjykim ndaj pozitës mbi statusin dhe është në përputhje me (rezolutën) UNSCR 1244/1999 dhe me opinionin e GjND mbi shpalljen e pavarësisë së Kosovës. Për PNUD të gjitha referencat ndaj Kosovës do të kuptohet në kontekstin e Rezolutës 1233/1999 të OKB-së.

Programi ReLOaD3 do të mbështesë shtatë bashki partnere³ me një qasje holistike duke filluar nga rritja e kapaciteteve të stafit të bashkisë për ciklin e menaxhimit të projekteve dhe metodologjisë LOD, grant, asistencë teknike gjatë shpalljes dhe zbatimit të thirrjeve publike, asistencë teknike gjatë zbatimit të thirrjeve publike të pavarura si edhe për fuqizimin e angazhimit qytetar në territorin e saj.

Për sa më sipër, Bashkia **Divjakë** dhe programi ReLOaD3 fton të gjitha OSHC-të në Shqipëri që të paraqesin projekt-propozime që janë në përputhje me objektivat zhvillimor dhe prioritetet e Bashkisë Divjakë si më poshtë:

1. Rinia

- 1.1 Nxitja e pjesëmarrjes aktive të të rinjve, veçanërisht në njësitë administrative;
- 1.2 Forcimi i këshillave rinore lokale dhe ngritja e grupeve informale të të rinjve;
- 1.3 Aktivitetet sportive, kulturore dhe artistike që rrisin përfshirjen sociale dhe zhvillimin personal të të rinjve.

2. Zhvillimi turistik dhe promovimi i kulturës lokale

- 2.1 Promovimi i potencialeve turistike natyrore, kulturore dhe historike të Divjakës, përfshirë lagunën, plazhin, biodiversitetin, traditat e komunitetit dhe gastronominë;
- 2.2 Projekte që synojnë riorganizimin e zonës së varkave dhe zhvillimin e hapësirave ekspozuese në Kullën 360°;
- 2.3 Krijimi i pikave të informacionit për turistët.

3. Mbrojtja e mjedisit dhe ndërgjegjësimi komunitar

- 3.1 Fushata ndërgjegjësimi në komunitet dhe në shkolla për mbrojtjen e mjedisit;
- 3.2 Aktivitetet vullnetare për pastrime, mbjellje dhe ruajtjen e biodiversitetit;
- 3.3 Projekte për ndarjen e mbetjeve, reduktimin e ndotjes dhe praktikrat e qëndrueshme.

Shuma e fondeve për projektet e miratuara do të jetë nga 1.000.000 Lekë deri 2.500.000 Lekë.

OSHC-të mund të dorëzojnë më shumë se një projekt propozim nëse shuma totale nuk tejkalon shumën prej 7.000.000 Lekë gjatë gjithë kohëzgjatjes së projektit ReLOaD3 (Shkurt 2025 – Janar 2029).

Bashkia rezervon të drejtën të mos i alokojë të gjitha fondet që ka në dispozicion në rast se projekt-propozimet e paraqitura nuk i plotësojnë kriteret e përcaktuara. Kohëzgjatja e secilit projekt duhet të zgjasë nga 6 deri në 10 muaj. Projektet e përzgjedhura do të zbatohen në periudhën nga muaji Mars 2026 deri në muajin Dhjetor 2026.

³ Berat, Divjakë, Kavajë, Lezhë, Mirditë, Shkodër dhe Vlorë.

PËRSHTATSHMËRIA/PRANUESHMËRIA:

Pjesëmarrja në këtë thirrje publike është e hapur, në baza të barabarta, për të gjitha OShC-të e regjistruara zyrtarisht (shoqata/organizata apo fondacion) në përputhje me ligjet dhe rregulloret në fuqi në Shqipëri. **Të gjitha organizatat e shoqërisë civile të interesuara mund të gjejnë informacion të hollësishëm rreth kushteve për aplikim si dhe për kriteret për financimin e projekteve në Udhëzimin për Aplikantë (Shtojca 6), pjesë përbërëse e dokumentacionit të thirrjes publike.**

DOKUMENTACIONI:

Dokumentacioni i aplikimit për thirrjen publike të Bashkisë Divjakë do të jetë i disponueshëm nga data 11 Dhjetor 2025, pas dërgimit të një kërkesë me e-mail në adresën Esmeralda.harizi@bashkiadivjake.gov.al ku duhet të citoni emrin e organizatës së interesuar; ose duke u paraqitur personalisht në **Zyrën e Integritimit European, Bashkia Divjakë**. Të gjitha informacionet e nevojshme, si dhe një version elektronik i paketës së aplikimit mund të gjendet edhe në website zyrtare të Bashkisë <https://www.bashkiadivjake.gov.al/> si dhe në website e UNDP (<https://www.undp.org/albania>).

Sesionet informuese (ditët e hapura për më shumë informacion)

Lidhur me këtë thirrje, për OShC-të e interesuara për të aplikuar në këtë thirrje do të mbahen Sesione informuese në Bashkinë Divjakë me datën 16 Dhjetor 2025 në ora 10:30, bashkarisht me sesionin informues të Bashkisë Kavajë, në zyrat e Bashkisë Divjakë, **Salla e mbledhjeve të Këshillit Bashkiak, Kati 2**.

Gjithashtu, pranë Bashkisë Divjakë do të zhvillohet si për thirrjen e Bashkisë Kavajë dhe për thirrjen e Bashkisë Divjakë, një trajnim mbi ciklin e menaxhimit të projektit dhe një proces mentorimi në grup për të asistuar të gjitha organizatat e interesuara në procesin e shkrimit të projekt propozimit. Trajnimi dy ditor mbi ciklin e menaxhimit të projekteve organizohet në datë **16 dhe 17 Dhjetor 2025** për përfaqësuesit e të gjithë OShCve të interesuara për të aplikuar në kuadër të kësaj thirrje. Trajnimi do të fokusohet në paketën e aplikimit të kësaj thirrje, si dhe do të përmbajë njohuri të tjera më të gjera që lidhen me menaxhimin e projekteve. Më shumë detaje për këtë aktivitet do të jepen së shpejti nga Bashkia Divjakë nëpërmjet website/mediave sociale.

Në Bashkinë Divjakë, ekspertët e ReLOaD do të ofrojnë mbështetje konkrete për OShC-të nëpërmjet ofrimit të këshillave për shkrimin e projekt-propozimit. Ekspertët e ReLOaD do të jenë të pranishëm **online**, për të organizuar sesione trajnimi specifike me organizata të cilat janë në fazën e shkrimit të projekt propozimit, në kuadër të kësaj thirrje. Më shumë informacione për këtë aktivitet do të jepen së shpejti nga Bashkia Divjakë nëpërmjet website/mediave sociale.

Pyetje rreth kësaj thirrje mund të behën përmes adresës reload.al@undp.org, duke iu referuar thirrjes publike. Pyetjet mund të dërgohen deri më **10 Janar 2026**, ndërsa përgjigjet do të jepen me shkrim brenda 5 ditëve pune që nga data e pranimi të pyetjeve përkatëse. Për qëllime transparence, përgjigjet do t'u dërgohen gjithashtu të gjithë aplikantëve të mundshëm, ose do të botohen në faqen e internetit të bashkisë dhe/ose UNDP.

DORËZIMI I APLIKIMEVE:

Aplikimet e plotësuara (me të gjithë dokumentet mbështetëse) duhet të dorëzohen **në tre (3) kopje fizike dhe një kopje elektronike (USB)**, të vendosura në një zarf të vulosur mbi të cilin është shkruar referenca e thirrjes publike, përmes postës zyrtare apo personalisht, gjatë ditëve të punës (e hëne – e premte), nga ora 09:00 deri ora 15:00, në adresat në vijim:

Bashkia Divjakë
Pranë sheshit “Santa Barbara”,
Divjakë, Shqipëri

Afati për dorëzimin e aplikimeve është data **20 Janar 2026**. Aplikimet e dorëzuara në bashki pas këtij afati do të merren parasysh vetëm nëse vula postare tregon se data dhe koha e dërgimit ka qenë para mbylljes së afatit zyrtar. Pjesa e jashtme e zarfit duhet të përmbajë **titullin e thirrjes për dorëzimin e propozimeve, emrin dhe adresën e plotë të kandidatit, emrin e plotë të projektit** dhe mbishkrimin **“Të mos hapet përpara hapjes zyrtare.”** Formulari për regjistrimin e dokumentacionit të pranuar lëshohet nga përfaqësuesi i bashkisë. Të gjithë aplikantët që kanë paraqitur propozime, pavarësisht nëse pranohen ose jo, njoftohen me shkrim për vendimin e marrë për projekt-propozimin e tyre brenda 30 ditëve pune nga mbyllja e thirrjes publike. Rezultatet do të publikohen në faqen e internetit të bashkisë, në tabelën e njoftimeve të bashkisë, dhe/ose në faqen e internetit të UNDP-së